



Universitätsbibliothek Paderborn

**Disputationes|| ROBERTI BELLAR-||MINI E SOCIETATE
IESV,|| DE CONTROVERSIIS CHRISTIANAE|| FIDEI,
ADVERSVS HVIVS TEM-||poris Hæreticos,||**

Tribus Tomis comprehensæ.||

DE SACRAMENTO|| POENITENTIAE.|| QVATVOR LIBRIS COM-||REHENSA.||

Bellarmino, Roberto Francesco Romolo <Heiliger>

Ingolstadii, [1599]

VD16 B 1607

XV. De partibus essentialibus Sacramenti Pœnitentiæ.

[urn:nbn:de:hbz:466:1-54092](https://nbn-resolving.de/urn:nbn:de:hbz:466:1-54092)

RESPONDEO, Pœnitentiam quandam ante Baptismum necessariam esse, & rursus aliam ante reconciliationem, quæ post Baptismum datur; extra contouersiam est. Nam de priore legimus, Actor. 2. *Pœnitentiam agite, & baptizetur unusquisque vestrum.* De posteriore Actor. 8. *Pœnitentiam age ab hac nequitia tua:* alloquitur enim S. Petrus Simonem Magum iam baptizatum. Probandum itaque Caluino fuerat, Baptismum dari in sigillum fidei, iis qui Pœnitentiam meditantur post Baptismum; aut eius Pœnitentia, quæ post Baptismum agitur, Sacramentum appellari: quod cum non fecerit, nihil omnino fecit. Nam in lib. de fide ad Petrum, cap. 30. Baptismus vocatur Sacramentum fidei, & Pœnitentia, non cuiuscunque, sed eius quæ ante Baptismum agi debet. Et in Evangelio Marci cap. 1. & Lucæ cap. 3. vocatur Baptismus Iohannis, non autem Baptismus Christi de quo agimus, Baptismus Pœnitentia: neque dicebatur Baptismus Pœnitentia in remissionem peccatorum, is quem Iohannes prædicabat; quia pœnitentibus peccata remitteret, sed quia ad Pœnitentiam prouocabat, quam Pœnitentiam qui agerent ut parerat, remissionem peccatorum obtinerent. Itaque Baptismus Iohannis Pœnitentiam pariebat, Pœnitentia remissionem; Christi vero Baptismus non Pœnitentiam gignit, sed per Pœnitentiam præparatos a peccatis purgat, eosque renouat, & regenerat: & ideo in Scripturis Baptismus Iohannis passim appellatur Baptismus Pœnitentia, quia ad Pœnitentiam inuitabat, Matth. 3. Marc. 1. Luc. 3. Actor. 13. & 19. Christi vero Baptismus, non Pœnitentia Baptismus, sed lauacrum regenerationis & renouationis dicitur, Tit. 3. Ephes. 5. Vide plura de hac re in lib. de Baptismo, cap. 23.

CAPVT XV.

De partibus essentialibus Sacramenti Pœnitentiae.

DEMONSTRAVIMVS haec tenus, Pœnitentiam Sacramentum esse verè proprieque dictum, atque etiam a Sacramento Baptismi distinctum: nunc de partibus eius disputare incipiemus.

Tribus

Tribus partitionibus diuidi solet Pœnitentiæ Sacramen-
tum. PRIMA sumitur ab essentia, quæ duabus partibus con-
stat, materia & forma, id est, actibus pœnitentis, & absolu-
tione sacerdotis. SECUNDA à materia, quæ tres partes compre-
hendit, Contritionem, Confessionem & Satisfactionem.
TERTIA à ritu, quæ est etiam trimembris: alia enim est Pœ-
nitentia priuata, alia publica, & hæc rursus aut solennis, aut
non solennis. De his partitionibus nunc breuiter, & genera-
tim dicemus: deinde in sequentibus libris seorsim de singulis
partitionum membris, de quibus controversiæ aliquæ agita-
ri solent, differemus.

Igitur de partibus essentialibus huius Sacramenti, illud
conuenit inter omnes, Verbum absolutionis ad huius Sacra-
menti essentiam pertinere: illud enim sine ullo dubio signum
est, & causa remissionis peccatorū. Et quanquam Absolutio
illis verbis, iuxta usum Ecclesiæ, qui omnino seruandus est,
continetur: *Absoluo te à peccatis tuis; tamē si in eandem sen-
tentiam alia verba adhiberentur, vt: Remitto tibi peccata tua
vel, Remittuntur tibi peccata tua, nihil de Sacramenti essen-
tiali perfectione decederet. Neque vero quæstio esse potest de
materia, quam dicunt remotam: constat enim peccata, siue
hominem peccatorem, materiam esse Sacramenti huius ro-
motam, cum ad peccata delenda, siue ad hominem peccato-
rem curandum Absolutio à sacerdotibus impendatur. Sed ne-
que peccatum, neque peccator, talis materia dici potest, ex qui-
tanquam ex altera parte, Sacramentum perficiatur: sed potius
circa quam Sacramentum operetur; quemadmodum corporal-
is morbus, aut ægrotus, non est id ex quo medicamentum
constet, sed in quod vim suam medicamentum exerat.*

Quæstio igitur est, Vtrum præter Absolutionem, aliqui
aliud sit, quod ad Sacramenti huius rationem, atq; essentiam
pertinere videatur. Quatuor autem sententiæ inueniuntur
PRIMA est, solam Absolutionem Sacramenti huius essen-
tiam constituere. Ita ex Catholicis Theologis *Scotus* docuit
in 4. Senten. dist. 14. q. 4. & dist. 16. q. 1. & qui eum sequuti sunt
*Galichmus Okam, Ioannes Maior, Iacobus Almayn, & si quae-
cumque sunt alij. Ad quam sententiam accedunt etiam aliqui ex Ha-
reticis nostri seculi, vt Illyricus in Applogia Confess. Antuer-
pien. cap. 18. & Kemnitius in 2. par. Examinis. pag. 903.*

Sed in duobus dissident Hæretici isti à Theologis suprà citatis. PRIMVM enim hæretici non agnoscunt Sacramen-tum Pœnitentia, nisi imperfectum, & impropiè dictum, cùm solo verbo, ut ipsi loquuntur, sine elemento constet: at Catholici illi integrum & perfectum, ac propriè dictum Sa-cramentum esse volunt, licet in sola Absolutione essentia eius consistat. DEINDE Scotus, & qui eunr sequuntur, et si negent Confessionem essentialē partem esse Sacramenti huius, tamen non negant eam esse necessariam, & à Christo institutam, quod Illyricus & Kemnitius, & ceteri Sectarij ne-gant. ADDERE, quod Scotus, & ceteri Doctores Catholici, ante Concilia illa vixerunt, in quibus accuratius hæc omnia ex-plicata sunt; quod si hoc tempore superessent, sine dubio Ec-clesiæ definitioni ac sententiæ acquiescerent.

ALTERA sententia eorum est, qui præter verbum Ab-solutionis, ritum etiam quandam visibilem à ministro adhibe-ri volunt, vt essentia Sacramenti huius integrè perficiatur, quanquam non satis explicant, quis sit ille ritus. Philippus Melanchthon in Apologia Confessionis Augustanæ art. 13. de-vsu & numero Sacramentorum, huius sententiæ auctore est: scribit enim, Baptismum, Eucharistiam, & Absolutionem ve-ra Sacra menta esse, quod habeant ritum cum promissione. Et ibidem, distinguit ritum à verbo: *Corda*, inquit, *simul per Verbum & ritum mouet Deus: sicut autem Verbum incurrit in aures, & feriat corda, ita ritus ipse incurrit in oculos, & moveat corda.* Et infra: *Ritus oculis accipitur, & est quasi pi-ara Verbi, idem significans quod Verbum, quare idem est viuisque effectus.*

TERTIA est eorum sententia, qui ex Baptismo seu Baptis-mi recordatione, & verbo Absolutionis, Sacramentum Pœni-tentiæ constituunt: de qua superiore capite differuimus.

POSTREMA sententia, eaque verissima est, Sacramentum Pœnitentiæ dupli parti intrinseca atque essentiali con-stare, Absolutione sacerdotis tanquam forma, & actibus pœni-tentiæ tanquam materia. Quæ sententia, & fuit olim multo-rum veterum Theologorum, S. Thomæ, Richardi, Durandi, & aliorum in 4. Sent. dist. 14. & nunc est fermè omnium, qui de Pœnitentiæ Sacramento scribunt.

*Sed Durandus Sit l. q. 1. art. dist. 16. q. 1.
Confessionem & Sacramentum regre
partes in ordinem.*

Sitigitur propositio PRIMA: Non nisi absurdè dici potest, Pœnitentia Sacramentum ex Baptismo & Absolutione constare. Hæc propositio satis capite superiore probata est: & certè sufficere deberet, quod nec Baptismus ante multos annos peractus, nec eius recordatio, signa sensibilia dici possunt; cum ad Sacramenti essentiam id maximè requiratur, ut cum Sacramentum percipitur, corporale signum corporalibus sensibus obiiciatur.

SECUND A propositio: Nullus est ritus à ministro adhibitus, prater verbum Absolutionis, qui Sacramenti huius materia rectè dici possit. Optarem Philippus clarus explicuisse, quisham sit ritus, qui in oculos pœnitentis incurrit, dum verbum Absolutionis, eiusdem pœnitentis aures ferit: minus enim in eius sententia refellenda laboraremus. Veruntamen, nisi fallor, tres sunt ministri actiones duntaxat, de quibus aliqua ratione ambigi potest: quæ si omnes euidenter excludantur, euidenter etiam Philippi sententia refutata erit.

Impositio manus. PRIMVM igitur Minister dum pœnitentes reconciliat, eisdem manum imponere consuevit. SED hic ritus etsi in antiqua Ecclesia in vsu fuit, & nunc etiam in plerisque locis adhibetur; ad essentiam tamen Sacramenti huius non pertinet, ut S. Thomas docet in opusculo 22. de forma Absolutionis, vbi breuiter refellit obiectiones, quæ contraria fieri poterant. Erit autem hoc multò etiam certius, si aduersariorum doctrina locum habeat, siquidem ex verbo Dei non potest ullo modo demonstrari, manus impositionem in reconciliatione necessariò esse adhibendam: nec solum testimonium, sed neque exemplum ullum huius manus impositionis in sacris literis inuenitur. *Quorum remiseritis peccata, Dominus ait, remittuntur eis.* Ioan. 20. non autem addidit: Et quibus imposueritis manus. Neque ex verbis iam citatis colligitur, imponendas esse manus, quemadmodum sanè colligitur, confitenda esse peccata, ut suo loco ostendemus: quid enim prohibet, quo minus peccata remittantur, etiamsi manus non imponantur? Neque Dominus, cum Paralytico Matth. 9.8 Magdalenæ Luc. 7. dixit: *Remittuntur tibi peccata, manus eis imposuisse legitur.*

QVOD autem in Concilio IV. Carthaginensi, can. 78. dicitur, ut pœnitentes, qui ob vitæ periculum, viaticum Eucharis-

Nicæ accipiunt, non se existiment absolutos sine manus impositione si superuixerint: non repugnat iis, quæ diximus. Accipit enim Concilium manus impositionem pro ipsa Pœnitentiæ actione, in qua frequenter manus imponebantur: nam in eodem Concilio can. 80. præscribitur, ve singulis diebus ieiuniorum, manus à sacerdote pœnitentiibus imponantur. Itaque hæc est Concilij illius sententia; Qui ob vitæ periculum priuatim à sacerdotibus absoluuntur, nondum completa Pœnitentiæ publicæ actione, ij si superuixerint, redeant ad ordinem pœnitentium, & cum illis manus impositionem suis temporibus percipient; & nisi id fecerint, non se existiment absolutos à vinculo Excommunicationis; vel à pœna temporali, quæ illis præscripta à Sacerdotibus fuerat. Nam quod à culpa absoluti fuerint, dubitari non potest, cum viaticum Eucharistia perceperint, quod Ecclesia nunquam tribuit, nisi iis, quos à culpa lethali liberos credit.

ALTER ritus, quo in reconciliatione pœnitentiū vt solent Catholici sacerdotes, est signum crucis super ipsum pœnitentem manu sacerdotis expressum. SED de hoc ritu nulla dubitatio esse potest; nam neque hoc signum aduersarij vlla in readhibere solent, & idem signum non esse de essentia Sacramenti Pœnitentiæ, vt neque etiam Eucharistia, S. Thomas docet 3. part. quæst. 84. art. 4. cui nullus Catholicorum in hac re contradicit.

TERTIVS ritus singi posset, motus ille visibilis linguae, & labiorum, qui in verborum pronūciatione exercetur: quam sententiam Lutheranorum quorundam esse audio. Et sane nihil aliud singi posse videtur, si quo modo explicanda est opinio illa Philippi, distinguens in pronunciatione Absolutionis ritum, qui obiicitur oculis, a verbo, quod incurrit in aures. SED absurdum omnino, ac planè ridicula sententia est. Nam IN PRIMIS commune est omni verbo corporali, ut non fiat sine motu linguae & labiorum, & tamen nemo haecenus in verbo, quo Baptismum, vel Eucharistiam conficiamus, distinxit ritum à voce. DEINDE motus linguae & labiorum nihil per se significat, sed solum est caussa vocis, quæ indicat animi conceptiones. Itaque si surdus quispiam videat hominem loquentem, non magis ex motu labiorum

G g g g con-

coniiciet quid à loquente significetur, quam si eundem motum labiorum cerneret in pecude. Non igitur singi potest ritus ullus ex parte Ministri.

TERTIA propositio: *Actionis pœnitentis quasi materia, & Verbum Sacerdotis quasi forma, Sacramenta Pœnitentia rationem atque essentiam compleant.* Non est hoc loco ex diuinis literis probandum, actionem pœnitentis, Confessionem videlicet, & reliqua, quæ ex parte eius requiruntur, vel omnino necessaria esse, vel à Christo instituta: id enim infra suo loco tractabitur, ut supra diximus. Sed hoc posito, probandum est solum, actionem pœnitentis ad Sacramenti essentiam pertinere ut materiam, ex qua, si forma accedat, Sacramentum constituitur. Et quoniam illa hypothesis facta quæstio solum inter Catholicos est; probabitur sententia nostra ex testimoniosis illis, quæ à Catholicis omnibus admittuntur.

PRIMVM igitur Tridentinum Concilium, sess. 14. cap. docet, formam Sacramenti Pœnitentiae esse verba illa: *Ego te absoluo, &c. actus verò pœnitentis esse quasi materiam:* paulò post addit, tamen Absolutionem, quam actus pœnitentis, ad integratem Sacramenti pertinere. Quo decreto statis aperte Concilium docuisse videtur, non sola Absolutione integrum Sacramentum contineti: non enim distinguit debuit forma à materia, si unica simplex actio Sacerdotis totum Sacramentum constituit. Et quomodo, quælo, ad Sacramenti integratem non minus requiritur actio pœnitentis, quam Absolutio sacerdotis, si sola Absolutio Sacramentum perficit?

DE INDE Concilium Florentinum in instructione Armenorum, ipsam Pœnitentiam vocat Sacramentum, & eius partes materiales esse dicit actus pœnitentis, formam autem verba Sacerdotis: *Ego te absoluo, &c. ad quem modum loquitur etiam Lucius Papa III. cap. Ad abolendam, debet ret. ubi Sacra menta vocat, Baptismum, Confessionem peccatorum, & Matrimonium.* At quomodo Confessio Sacramentum est, si ad essentiam Sacramenti nullo modo pertinet? NEQUE SCOTVS satis aptè loquutus videri debet, cum ait in 4. dist. 14. q. 4. *Pœnitentia est absolutio pœnitentis facta a certis verbis, &c.* Pœnitentia enim actio pœnitentis

est, non Sacerdotis; Absolutio autem Sacerdotis, non pœnitentis. Quis enim ita loquitur, ut dicat hominem agere Pœnitentiam, dum absoluitur, & non potius dum plorat, confitetur, iejunat?

Idem PRAETEREA Concilium omnia Sacraenta tribus perfici dicit, materia, forma, & intentione Ministri: non igitur Sacramentum Pœnitentiæ sola forma Absolutionis & intentione constare potest.

DENIQUE actio pœnitentis signum est sensibile gratiæ iustificantis à Deo institutum, & ex eiusdem promissione concurrit ad remissionem peccatorum: cur igitur pars quædam Sacramenti non erit? Nam sensibile signum esse, in questionem verti non potest, cum non debeat Sacerdos absoluere, nisi quem ex signis sensibilibus pœnitentem esse cognoscit: esse autem signum gratiæ iustificantis, manifestè colligitur ex eo, quod qui peccatum confitetur, & veniam à Deo petit, indicat se peccatum odisse, & ab eo iam, animo & voluntate recedere, ac proinde iustificari, quod aperitiùs significatur, & compleetur per Absolutionem. Porro hoc signum à Deo institutum esse, alibi, ut diximus, est probandum, neque à Scoto eiusque sectatoribus negatur. Denique ad remissionem peccatorum aliquo modo concurrere, testatur S. Ioannes, qui in epist. 1. cap. 1. scribit: *s&p; confiteamur peccata nostra, fidelis est, & iustus, & remittat nobis peccata, & emundet nos ab omni iniquitate.* Et quemadmodum verè dicimus aliquem iustificari, quia absolutus, sic etiam rectè dicere possumus, aliquem iustificari, quia peccata humiliter confitetur. Sed de hac re in sequenti capite plura dicemus.

C A P V T XVI.

Soluuntur obiectiones.

NUNC obiectiones diluendæ sunt, tūm Kemnitij, tūm etiam aliorum Catholicorum. Kemnitius igitur in 2. parte Examinis pag. 935. refellere nititur Concilij Tridentini doctrinam de partibus essentialibus Sacramenti Pœnitentiæ, ac PRIMO obii-

G ggg 2 cit,